

# Gwers 28 - Y pedwar ffrind caredig

## Nodiadau Cefndir i'r Athro

Luc 5: 17-26

**Y**n ôl yr Apostol Paul, meddyg oedd Luc, 'Y mae Luc, y meddyg annwyl' (gweler Colosiaid 4:14). Eglura hynny ddi-ddordeb Luc mewn pobl, yn enwedig pobl afiach. Brithir ei efengyl gyda hanesion am Iesu yn iacháu, o unigolion megis mam yng nghyfraith Simon Pedr a oedd yn dioddef o'r dwymyn (Luc 4:38) i ddeg o wahangleifion (Luc 5:12-15).


Y mae'r hanes rhyfeddol yma yn cael ei gofnodi hefyd gan Mathew a Marc. Marc yn unig sy'n dweud mai pedwar cyfaill oedd gan y claf. Daethant â'r claf at y tŷ ac wedi methu cael ffordd i mewn, dringasant ar y to. Yn nyddiau'r Beibl adeiladwyd tai o gerrig gyda thoi fflat; esgynnai grisiau ger ochr y tŷ yn arwain i'r to. Er bod Luc yn cyfeirio at 'priddlechi', y tebygrwydd yw bod y to wedi ei wneud o fwd yn gymysg â gwellt neu ddellet. Felly, nid oedd yn waith anodd creu twll yn ddigon mawr i ollwng y claf ar ei wely (sylwer mai matras yw gair Marc), i lawr at draed Iesu.

Pan glywodd yr arweinwyr Iddewig Iesu'n dweud wrth y claf, 'Ddyn, y mae dy bechodau wedi eu maddau iti' (Luc 5:20), cyhuddasant ef o gabledd, gan ddweud mai gan Dduw yn unig yr oedd yr hawl i faddau pechodau. Yr oedd Iesu, honasant, yn euog o drosedd a'r gosb oedd marwolaeth (Lef. 24:16). Yr oedd maddeuant pechodau yn arwydd fod yr oes Feseianaidd wedi dod (Joel 2:32).

Y mae ffydd y pedwar cyfaill yn ganolog yma, (am enghreifftiau o ffydd eraill, gweler Luc 7:9 a 1 Cor. 7:14), ond y mae'r defnydd o'r llysoeg, 'wrth weld eu ffydd hwy', yn awgrymu fod gan y claf ffydd yn Iesu. Anodd yw credu y byddai'r claf wedi ei iacháu oni bai fod ganddo ef ei ffydd ei hun. Ymwneud â phechodau y mae geiriau cyntaf Iesu, nid â'r afiechyd. Dywed un ysgolhaig fod y digwyddiad hwn yn dangos yn bennaf fod awdurdod Iesu yn dechrau gyda maddeuant pechodau. I'r diben hwnnw y daeth Iesu i'r byd i achub eneidiau.

### Y Phariseaid

Ystyr yr enw yw 'y rhai wedi ymneilltuo' neu 'y rhai gwahanedig'. Credent fod y Gaethglud yn ganlyniad torri Cyfraith Duw gan eu cyndadau. Y peth cyntaf a wnaeth Esra wedi'r dychweliad i Jerwsalem oedd gosod trefn ar arferion addoli'r Iddewon (gweler Gwers 22). Roedd y Phariseaid yn cadw golwg ar faterion crefyddol y dydd ac yn treulio llawer o'u hamser yn diffinio a thrafod corff mawr o draddodiad crefyddol a gasglwyd dros bedair canrif ers dychweliad yr Iddewon o'r Gaethglud. Roeddent wedi ymgolli cymaint yn y traddodiadau o waith dynion fel eu bôn't yn colli golwg ar yr Ysgrythyrau. Bygythid hwy gyda dyfodiad Iesu oherwydd roedd ef yn herio eu diffuantrwydd a'r ffaith fod y pobl yn cael eu denu tuag ato.



Daeth y dynion â'u ffrind at lesu. Doedd e ddim yn gallu symud! Iachodd lesu'r dyn, ac aeth y ffrindiau adre'n moli Duw!


Ar ôl llwio'r llun, beth am lynu plasteri arno i'rh atgoffa bod lesu wedi iacháu'r dyn sâl?

Diolch lesu am garu'r dyn sâl a'i wella. Diolch am ddoctoriaid a nyrsys sy'n ein helpu pan fyddwn yn sâl.

# Gwers 28 – Y pedwar ffrind caredig

**Dyn nad oedd yn gallu cerdded** | Beibl Newydd y Plant tud. 148

(Luc 5:17–26)



## Gwers 28

Y pedwar ffrind caredig

### BEIBL GWEITHGAREDD Y PLANT DAN /DROS 7 oed

Y Pedwar ffrind caredig tud 120

### BEIBL LLIW STORI DUW

Y dyn ar y fatras tud 228

### BEIBL NEWYDD Y STORIWR

Mynd drwy'r to tud 94

### BEIBL NEWYDD Y PLANT

Dyn oedd yn methu cerdded tud 148

### Y BEIBL I BLANT MEWN 365 STORÏAU

I lawr drwy'r to tud 303

## Amser Chwarae

Bydd angen rhyw fath o gerddoriaeth arnoch, e.e. piano, tambwrîn, peiriant chwarae cryno ddisgiau.

Anogwch y plant i symud o amgylch yr ystafell wrth i'r gerddoriaeth ganu ac wrth iddo ddistewi, i orwedd ar y llawr yn sydyn. Wrth godi, rhowch cyfarwyddid i'r plant ar sut ddylent symud o amgylch y tro hwn, e.e. cymryd camau bach neu gamau mawr, yn gyflym neu'n araf, ymlaen neu'n ôl, neu i'r ochr. Ar ôl chwarae am gyfnod gofynnwch iddynt am syniadau am ffyrdd eraill i symud o gwmpas, gan geisio dilyn pob syniad. I orffen, trafodwch pa mor ffodus ydym fod gennym goesau cryf i gerdded ac i symud o gwmpas yn rhwydd. Eglurwch fod gan rhai plant a phobl anhwylder sy'n peri nad ydynt yn medru symud yr un fath â ni.

Efallai yr hoffech gael amser gweddi gyda'r plant yn diolch i Dduw am ein coesau a'r gallu i symud cyn mynd ymlaen â'r sesiwn.

## Amser Stori

Bydd angen blanced.

Darllenwch yr hanes o Feibl Newydd y Plant. Wedyn, gosodwch y flanced ar y llawr, a gofynnwch i un o'r plant orwedd arni. Adroddwch yr hanes yn eich geiriau eich hun, gan annog y plant i'chatgoffa o'r hyn a ddigwyddodd. Hefyd, gofynnwch gwestiynau a fydd yn eu helpu i feddwl am deimladau cymeriadau'r hanes, e.e. Sut oedd y dyn claf yn teimlo am nad oedd yn gallu symud trwy'r dydd, bob dydd? Sut oedd e'n teimlo wrth i'w ffrindiau ei ollwng drwy'r to? Beth oedd lesu a'r bobl eraill yn ei feddwl wrth ei weld yn disgyn o'r nenfwd? Sut oedd y dyn a'i ffrindiau'n teimlo ar ôl i lesu ei iacháu?

Atgoffwch y plant bod lesu'n gallu gwneud pethau rhyfeddol oherwydd mai mab Duw ydyw.

## Gweddi

Eisteddwch mewn cylch ar y llawr gyda'r plant. Gofynnwch iddynt, un ar y tro, i neidio i fyny ac i ddweud 'Diolch Dduw am goesau a thraed i ....' - gall pob plentyn feddwl am rywbeth gwahanol ac i ddangos y symudiad os dymunant. Byddwch yn barod i gynnig syniadau i'r plant ac i ymuno yn y symudiadau os ydynt yn swil.

## Crefft

Llyfr Crefft t. 145,146.

## Cân

Beth am ganu rhif 17 o 'Glas, glas blaned', '4 Ffrind' sy'n adrodd yr hanes mewn cân syml?

## Adnoddau Ychwanegol

### Crefft

Llyfr Crefftau Stori Duw i blant dan 5 oed t. 145, 146.

### Tafleini gwefan amserbeibl.org

CyfresB - Pobl y cwrddodd Iesu â nhw

### Cyfres PowerPoints Beibl Bach i Blant

Cyflwyniad 41: Syniad Da

### Llyfrau Stori

Cyfres stori llun yn symud: Iesu yn Iachau

